

***** 153

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis
tertiâ Februarii.*M. FRANCISCO VERNAGE, Doctore
Medico, Præsides.*An Vita Hominis à Sanguinis circuitu?*

I.

HOMINEM constituent anima, corpus. Illa plena rationis & consilii, simplex, immortalis. malè ab traduci parentum animâ eruitur, ut materiat, sic divisionis experte; producitur creatione solâ. Hoc vitalis machina variis partibus instructa summo elaboratis artificio, ad multiplicesque usus destinatis. Utrique commune vinculum assingunt nonnulli calidum innatum; quod animæ corporisque consors ac particeps naturas adversas interjectu suo conciliat atque continet. quasi verò ut tenuissimum subtilissimumque fingatur originis suæ conditionem non servet. Corporis atque animæ conspiratio stat potissimum voluntate divinâ, quâ sancitum est, ut quasdam animi perceptiones certi corporis motus, & vicissim quasdam corporis motiones certæ cogitationes mentis consequantur. Anima licet sit forma hominis, eaque unica, corpori non largitur vitam; cum priùs non infundatur, quàm partes latentes atque involutæ in semine explicatæ sint; quod ut fiat nutriatur principium fœtus & crescat necesse est: quæ primæ sunt vitæ functiones sanguini acceptæ. Et verò corpori jam viventi accedit anima, nam corporis vita infusionem exigit animæ, primæque conjunctionis causa est; atque ut illud priùs vivit, quàm hæc ingrediatur; sic moritur antequàm egrediatur; non enim extinguitur vita corporis propter discessionem animæ; sed contra hujus discessio domicilii ruinâ contingit. Vitæ primordia ab sanguine. Humor ab utero stillans, unâ cum succo intrâ membranas involventes principium fœtus contento, subit radices venæ umbilicalis, in quibus ut potè exilibus atque numero penè infinitis an bo succi exquisitè & intimè permiscuntur, permixti fermentantur, non parùm adjuvante uteri incubantis calore. quâ quidem naturali agitatione succorum particula novam figuram, novumque motum acquirunt, quibus purpureum induunt colorem. Primi sanguinis in fœtu generandi nulla videtur brevior ac magis simplex via, nulla expeditior ratio, naturæque operanti magis consona. Huic ideo conficiendo perperam à cerebro deducitur supervacaneum fermentum. origo aliundè inexplicabilis, nisi placeat à spiritu repetere, qui (postquam fœtus exordia fecundavit, ejusque reservit stamina, uti succos reciperet quibus partes oculos fugientes sese darent in conspectum) in cerebrum tanquam in arcem integer se recepisset. At spiritus hujusce

vis semini fecundando, staminibusque dilatandis tota impenditur; ac si quæ supersit, sanguinem non efficit; è cerebro, ad has partes in quibus sanguis primum conspicitur, cum nullatenus penetrare possit ejus materię communicanda. Ut prima cruoris stilla produciatur abque fermento spirituum: ita primum ejus circuitum sine spiritibus à cerebro defluus peragi verisimillimum est. Succorum continuo advenientium impulsu & fermentatione fluit cruor è radicibus venæ umbilicalis in truncum, è trunco in cor, è corde in arterias. Cordis & arteriarum primus motus ab hoc uno, ubi verò descendit cerebrum, illic particulas tenuiores relinquit, quæ glandulis excretæ per nervos fluunt in cor & arterias, quorum motus incitationes reddunt ipsæ tenuitate mobilissimæ. Unde sanguis, qui antè spirituum influxum lentè partes irrigabat, jam nunc celeri ambitu & continuatione universum alloit, corpus singulis ejus partibus vitam communicaturus.

I I.

VITAM corporis constituit sanguis, deinceps continuandam. Hominis vita ab eodem; actionum enim quibus illa stat, & cognoscitur omnium causa est. Hæ sunt aut materię compotes, aut omnino expertes. Perceptio, ratiocinium, reminiscentia, voluntas, sensus vulgò corpori attributus, ab animâ solâ. Concoctiones ciborum; nutritio, generatio, motus naturales, ceteræque id genus actiones ab corpore derivantur. Actionum corporis causa sanguis. Hic vitali calore, seu spiritu partes perfundit, variisque alluens irrigat succis, quibus ad agendum impelluntur. Hujusce, spirituumque motu, pro diversâ cujuscunque partis structurâ ac dispositione, variè determinato, corporis functiones perficiuntur. Quod si tam concinne producantur, tam aptè, tam ordinatè: non hoc in naturam intelligentem & providam, quæ partes regat, refundendum est; sed in partium coaptationem, figuram, contextum, quibus sanguinis spirituumque motus determinantur. Corporis naturam à partium, ex quibus componitur, structurâ, magnitudine, connexione, situ, motu nequaquam distingui comperiet, qui rem æquâ lance, mente præjudicii liberâ, seriò atque attentè examinabit ac perscrutabitur. Operationum mentis producit, non quoque sanguis; at dissimili planè ratione. Corporis quidem actiones producit, non animæ materię exsortes non oriuntur à re corporeâ sed causa est instinctiva seu occasio tantum, quæ mentem ad agendum determinat. Ist hæc enim corpori consociata suas non exerit functiones, nisi præcedat spirituum animalium motus, quo ut plurimum excitatur ad cogitandum, aut saltem nisi ille comiteatur, aut consequatur. Animales spiritus suppeditat sanguis; hoc enim in cerebrum sublato exstillantur, & per nervos in universum corpus diffunduntur, ut animi & corporis societatem & mutuum commercium foveant, in quo præcipua vitæ hominis ratio posita est.

I I I.

SANGUIS partibus suis tenuioribus cum animam excitet, juvetque ad agendum, corporisque functiones producat: meritò naturæ thesaurus ac vitæ fons appellatur. Quod autem vitam tueatur & conservet, id ejus circulo debetur, quo produciatur lenis veluti accensio quâ vivimus. Cruor ab excrementis repurgatus, attenuatus, divisus, atque excoctus vitæ officiis aptissimus fit: quod perficitur circuitu. Hoc namque assiduo & continuato motu per diversa viscerum cribra percolatur, in quibus excrementa deponit. In renibus à sero expurgatur, in hepate à bile, in pancreate ab aquâ lymphæ simillimâ, in aliis partibus ab aliis humoribus, omnibus alicui usui profuturis, liberatur. Lien succum melancholicum non excernit,

ut haec tenens putatum est. Quis usus? obscurus adhuc & involutus. An sanguis morâ in vesiculis lienis fermenti naturam induit, aut potius uberrimo spirituum influxu novum acquirit vigorem? Humorū excretiones sunt absque fermenti excrementi cuique parti insertis; molis sanguineæ motione intestinâ secreti percolantur. Errant qui credunt naturam vires in se invicem iisdem partibus excretioni dicatis, quibus unaquæque eum, cuius desiderio tenetur, humorem prolificat. Nulla est partium illarum discreta vis ab structurâ, quâ humores non attractos, nulla enim est attractio, sed impulsos valent excernere: non quod iis delectentur, sed quod glandularum, ex quibus componuntur, pori transmittendis humorum particulis apti sint suâ cum illarum figurâ & mole convenientiâ. Circuitu sanguis fluorem servat; eodem partium istius æquabilis fit mistio, dissimiliumque facilis adhesio arcetur vitæ infimica. Sic præparatus, blandèque accensus diffunditur in corpus universum, quod salutari calore recreat, novoque reparat alimento, dum meatus implet quos reliquerunt particule jugi fluxu dissipatæ; quin & cerebro nervisque partes subtiliores cerebro ita & reditu in liquorem spirituosum evectas subministrat, quibus anima & corpus suis muneribus defunguntur. Adeo ut sanguinis motu ex arteriis in venas, ex his rursus in arterias vita hominis potissimum contineatur.

IV.

CIRCUITU ritè præparatus sanguis, ab omni quæ excremento inutili repurgatus, ad vitam ruendam accomodatissimus est. Hunc ex corde erumpere in arterias, ex iis per venas ad cor refluerè, præterquam quod multa abundè probant experimenta, ipsius cordis arteriarumque fabricâ & motu evincitur. Cor musculus est fibrarum ordine duplici constans instar Cochleæ contortarum, atque in basim cordis ut in tendinem desinentium. Harum contractione contrahitur cor, ex ejusque ventriculis sanguis propellitur. Dilatant verò auriculæ, sanguinemque in cordis sinus expriment. Valvulae, quæ utrique cordis venæ adhibentur, sanguinem admittunt, obstantque regressui velut lintea expansæ, & ligamenti retinent. Utrique tum magnæ, tum pulmonum arteriæ aliud valvularum genus aptatum est. Utrumque præbent sanguini ipsarum mucronem deprimentem. ubi vero remeat valvulam velut saccum implet, & coni figuram ei tribuit, viamque sibi intercludit. Arteriæ dilatantur & constringuntur. Sanguinis impetu fit dilatatio, contractio vi resiliendi fibrarum quibus cinguntur. In diastole, & in systole pellitur sanguis intra arterias jugi impulsu; in diastole à corde, in systole ab arteriis, quarum tensæ membranæ dum resiliunt, sanguinem ulterius propellunt. Ex hac cordis, arteriarumque motu ac structurâ circuitus facillè deprehenditur. Ex venâ cavâ fluit sanguis in auriculam dextram, subiectumque ventriculum, contracto corde per arteriam pulmonum elabitur, tum per exiles venæ pulmonis ramos ipsius truncum subit, ac tandem sinum cordis sinistram; ex quo in magnam arteriam, illiusque ramos rapidè fertur, & quaquaversum diffunditur. Ab his regreditur in venulas arteriolis continuas, undè in ramos majores, deinde in venæ cavæ truncum, rursusque in dextrum cordis sinum reportatur, adjuvante diaphragmatis, musculorumque motu, nec non aëre inspirato, qui revertentem ad cor sanguinem pellit eadem, quâ ascensum aquæ intra antlias promoveret, resiliendi vi, quæ in eo constat, quod partes aëris convolutæ sese explicare nitantur. Hoc ita & reditu quantum vitalis succus accenditur: tandè anima retinetur in corporis domicilio, hominèque vitâ fruitur.

CONSTANS est & rata sententia vitam calore actuosâ qualitate contineri, mortem ejusdem extinctione contingere. Hanc, quâ vivinus, flammam accendit, fovet & conservat sanguis crebrâ & jugi conversione ac gyro. Ab eo totus corporis calor ita emanat & proficiscitur, ut ejus accessione vel abscessione adducatur vel evanescat. Et quemadmodum stolidâ gravisque terra frigore contracta torpet, nisi solis æstivi radiis excitata luxuriet, ociofamque sterilitatem cum felici fecunditate commutat: sic immota rigeant membra omnia necesse est vitali humore destituta. Cujus præsentia collustrata calent, vigent, ad suasque actiones obeundas paratissima redduntur. Corpus non solum regit moderaturque sanguis dum circumfertur, nec salutaris tantum caloris ac pernecessarii, succorumque perfusione efficit, ut alimenta conficiat, iis nutriatur, augetur, procreet: sed & spiritibus, quos cerebro animæ sedi subministrat, corporis animique firmat communionem & consortium; non quod illi spiritus utrique affines & accommodati naturam corporis expertem cum corporeâ copulent, immortalem cum mortali; sed quod, sancitâ ab authore naturæ lege, spirituum motu velut occasione cogitationes animæ suscitentur: cogitationibus pariter animi moveantur spiritus. Nullam enim aliam inter naturas quàm maximè dispares societatis rationem iniri posse & corporis daretur vinculum, sanguis profecto, quândiu cundo, redeundoque per arterias & venas accenditur: tandiu in suo illa retinetur hospitio. Verum ut primum cum circuitu cæcus ille sanguinis ignis extinguitur, statim dissoluto quasi nexu aufugit anima frigidi atque emortui impatiens hospitii.

Ergo Vita Hominis à Sanguinis circuitu.

Domini Doctores disputaturi.

<i>M. Michaël de Hodencq;</i>	<i>M. Ioannes Poisson;</i>	<i>M. Antonius le Moine.</i>
<i>Chirurgia Professor.</i>		<i>M. Geydo Crescentius Fagon, Primarius Regius</i>
<i>M. Pontius Maurin.</i>	<i>M. Iacobus des Prez.</i>	<i>na Francorum, dum viveret, Medicus.</i>
<i>M. Franciscus Maillard.</i>	<i>M. Renatus Chauvel.</i>	<i>M. Iacobus de Bourges.</i>

Proponebat Lutetiæ **LUDOVICUS DE VAUX**, Parisinus, Baccalaureus
Medicus. A. R. S. H. 1689.

P A R I S I I S,

Apud Franciscum Muguet, Regis, & Facultatis Medicinæ
Typographum.